

沅  
湘  
耆  
舊  
集

沅湘耆舊集卷第二十二

新化鄧顯鶴湘皋編輯

鄧縣沈道寬栗仲校訂

楊少傅鶴

八首

鶴字修齡武陵人萬歷甲辰進士除陝西雒南知縣擢御史巡鹽兩浙轉按黔中丁外艱歸起大理寺丞轉翰林院提督四裔館陞南贛巡撫忤魏璫削籍崇禎改元起左副都御史拜兵部侍郎總督陝西三邊軍務加太子少傅坐御史吳胤奏主撫誤國下廷尉子嗣昌請以身代得謫戍袁州放歸

卒

寄懷張子達伯仲

澤畔相思夢卜居故人兄弟近何如  
天邊黃葉新供眺屋裏青山好著書  
江口月明猿嘯夜荆門霜落鱗肥初  
再來剡曲堪乘興畏爾淹留逼歲除

送龍君御

才向河湟入故園南征又復擁朱軒  
梅花笛韻辭青塚楊葉烏號聽白門  
雲近仙官香不散月明畫省色堪捫  
傳家三世經綸在須念爲郎亦主恩  
石頭城闕大江平勝日風流賦二京  
奏入陽春徵郢調翻來子夜試吳聲  
龍文寶劍含星動宮錦扁舟載月明  
遙憶美人天際去暮雲東望不勝情

餞滿太僕赦歸

放麕恩遣出長安千騎紅塵紫陌看強項早知成鐵漢生  
還今喜釋南冠霜天鴻鵠排雲去風雨龍蛇破壁寒獨我  
越吟思子日向隅猶自涕洟瀾

黃童今古歎無雙

原注公子方十五歲鳴鼓疏顙時追隨左右

萬里尋親向帝

邦身傍闥扉眠虎穴手拋院鼓觸蠅窗秦庭痛哭腸千斷  
漢女哀鳴血一腔贏得人稱真父子歸鴻日送渡湘江

歸思雜詠

山中歸臥武陵春倦鳥閑雲自在身靜裏閉門惟打睡起  
來還作灌園人

與丁唯一

有序

唯一余同社也聞余被逮自里門跋涉數千里來都門  
省余出獄後復同策驢南還感而贈之

故人日夜望金雞不信君恩早放麕並馬綠楊沽酒處春  
風一路聽黃鸝

春日遊百泉王信卿留酌賦別

碧澗千堆雪蒼煙九疊屏山光垂倒幔潭影落空青雲壑  
邱中賞巖泉靜裏聽一泓秋瑟瑟三峽水泠泠噴沫驚風  
雨迴波射日星浪花穿地肺海眼洞幽冥石髮摩尼色溪  
毛翡翠翎綠宜盛玉盃白好瀉銀瓶香汎共城稻清浮竹  
葉醺禪心參水觀韻事補茶經鳧舄憐仙駕烏衣念舊型  
倉皇呼雀舫造次出侯鯖投轄肝腸見懸河舌本靈幅巾

陪楚客歌管動吳伶執手愁輕別牽裾酒不停驪駒歸路  
暝燈火照熒熒

滿太僕朝薦一首

朝薦字震東一字震寰麻陽人萬歷甲辰進士授  
咸寧知縣性剛介以廉能著稅監梁永縱其下劫  
諸生聚公捕治之永怒劾其擅刑稅役無何永遣  
人蠱巡按余懋衡事覺公捕獲其人永懼率衆擐  
甲入縣庭城中數驚永反公助巡按持之急永使  
繫書髮中入都訟公劫上供物殺人投河中帝怒  
立遣使逮治時三十五年七月也既至下詔獄榜  
掠遂長繫中外論救自大學士朱賡以下百十疏

四十一年秋萬壽節將屆用大學士葉向高請乃  
釋歸光宗立起南刑部郎中再遷尙寶卿天啟二  
年遼東地盡失海內多故廷臣方植黨逞浮議公  
深慮之疏陳十可憂七可怪語極危切尋進太僕  
寺少卿復上疏極言朝政顛倒成於陛下者十之  
一二成於朝臣者十之八九臣不忍見神州陸沈  
帝大怒褫職爲民已忠賢黨撰東林同志錄公名  
與焉竟不復用崇禎二年起故官未赴卒詳見明  
史本傳公有大西洞詩見碑刻今從友人處鈔得  
一首與碑小異殆晚年所定也

沅州府志滿太僕  
逸事世傳公之將

生也太公延

素夢宜聖攜一童子立長虹橋上呼  
其名而屬之曰將此子寄付爾家應龍乃出逢蛇

則歸覺而異之明旦公生見太僕自記後以萬歷  
甲辰捷南宮崇禎己巳終於里夢兆皆驗云公以  
忤璫繫請室凡七越歲其初就獄索撫顧公其志  
敦賢得金千九百有奇屬公僕連城納橐餗時萬  
歷三十五年也明年十月二十七日公忽夢見一  
人衣冠甚偉手一編揖而言曰生平所著文集數  
卷煩君筆削言訖去明晨獄卒持書至啟視乃蔣  
太守所寄楊忠愍椒山集也因憶夢言丹黃之是  
夕復夢忠愍持短槍入謝公異之作序賦其事又  
五年秋七月二十四夜公將就寢見火光自空墮  
離地尺許盤旋不已照徹如晝乃作流火賦明年  
季春有白鶴來止獄中與公伴寢食者久之又作  
來鶴賦是歲葉相國向高因聖壽節疏救公獄中  
案頭鎮紙龜甲忽躍起公意杌甲具生象是生還  
機也方構靈龜賦而赦詔至遂出獄按公之正氣  
爲鬼神所服如此而其遺稿散佚僅得一首可數  
也又按滿公子能施十五歲上書代父請罪其事  
不見於史沅州志猶存其疏稿余增輯楚寶時未  
及與楊熊諸公子並列亟附錄其稿於後疏云奏  
爲勞罪迹不相蒙君親情無所解焉慕至窮至迫  
號天請豁請代事臣父滿朝薦受陛下陶鑄登甲  
辰榜進士本年冬授陝西咸寧縣知縣乙巳之冬



權使以誹謗語進旋降旋復丁未之歲權使再以  
誹謗進檻下北鎮撫司獄歲且五易焉禮不敢齒  
君之馬臣父不能屈節於權使誠有罪矣市虎成  
於三人慈村投於三至自昔固然陛下不即賜錫  
鑊而入之幽室亦諒臣父赤誠聊懲其讒但惠薛  
三秦調延一吏王道清明似不如蕭蕭孤質淹淹九閭  
載沈憂王道蕩蕩似不如老赴遡不信縉紳清議不  
王道甄別似不如此父老赴遡不信縉紳清議不  
信告病陳情司寇一字一血視若罔聞臣父木石  
也則可臣父而非木石也忍令畢世無見天之日  
乎臣之祖父滿廷素祖母鄭氏年俱越八旬景運  
西山猗猗承父之丁甯歸侍於祖而祖不得安臣今  
曩自秦承父之丁甯歸侍於祖而祖不得安臣今  
自里承祖之丁甯赴問於父而父不可見羊敬其  
乳鵝還共哺豈異臣也垣外想親標如嶽更峻別  
來追騎愛如溟更深看天靡路顧日無光昔大倉  
介以忤法當刑緹繫詣闕請豁彼猶聞賢也臣則  
男子矣原縣令以吏誣擬刑吉芻詣闕請代彼年  
十五也臣亦十五矣彼所遇中主耳臣則躬逢堯  
舜之君中主尙俯從所請況堯舜之君乎陛下推  
共事聖母者俾臣得以事父儻疏一網而縱之使  
得歸侍於垂白之祖父母前則臣所日夜撫心叩

齒而度時者也億蒙聖恩俯允所請庶使臣有  
滂時申錫之忠而臣亦遂覩繫吉勑之誦則陛下  
平明之治超出遠古於萬萬  
矣爲此不遑斧錢湯鏹以聞

丙寅春遊大酉洞作

誰將巨斧闢鴻濛玉檢金繩萬古封空洞書從何代讀玲  
瓏心自與天通修丹羽客呼仙兔遁世幽人駕顙龍日馭  
風輪遊縹渺狂吟端不負孤忠

按先生此詩東冬兼  
用蓋唐人進退格也

劉守備葵七首

葵身長六尺囚字六長攸人萬歷甲辰武進士官  
廣東虎頭衛守備六長膂力過人兼精書翰以嫉  
惡嚴爲怨家所中罷歸嘗於湘岸泊扁舟載茶鐺

筆牀經句不返與繙徒布衣爲侶貴遊罕得與狎  
好吟詠所爲詩近萬首今罕存者

舟居

一棹悠悠湖上亭平湖兩岸柳青青但當把釣尋高隱不  
必懷沙賦獨醒長嘯自慙非祖述前身浪擬是劉伶舟中  
長物無非酒對客傳杯不暫停

沙浦鄰家半老漁蘆洲處處愛吾廬清霜白雁關心切古  
戍丹楓到眼疏纔向市朝稱大隱且拋身世學長沮有時  
斲藥朱陵洞更欲親探宛委書

東事

蓮花飛雪又飛霜玉匣時時出上方殿上新恩都著錦絕

無人說復遼陽

白沙磧裏行人少  
背藉峯頭白骨多  
撤去狼兵三十萬  
生不肯渡黃河

漢家新典重詞臣  
緋袋金魚歲幾人  
拜賜一時俱異數  
又傳黃閣畫麒麟

鐵騎橫行疾若風  
漢家飛將遠從戎  
擒生射死都不管  
只數蕭何第一功

狼兵徼去救遼陽  
路上殺人不可當  
及到陰山不耐令  
自言並未慣風霜

孫副都穀一首

穀字子穉華容人  
羽候子萬歷丁未  
進士授杭州

推官累遷副都御史巡撫遼東孫氏自世其至子  
穡五世皆以文學顯子穡與弟穀少齊名穀字子  
雙著書尤富子穡詩僅見一首頗不入格爲節抒  
之

君山雨後漫作

連日橈挑霧茲晨舫趁風扁舟停水際蠟屐響山隴蕭瑟  
軒轅鼎荒蕪帝子宮寒煙留野剎細雨溼簾櫳茗泛波浪  
綠篁餘淚點紅寥天孤鶴影滿地一漁翁剗卻平鋪好迴  
瀾砥柱功行歌誰互答瑤瑟有無中

史太常贊舜

三首

贊舜字元亮龍陽人萬歷庚戌進士官戶部郎出

爲夔州知府升川東副使調江西左布政晉南太  
常正卿卒贈兵部侍郎元亮清端有德量官戶部  
時值安南交訌辰常沅靖疲於奔命元亮抗疏請  
減四郡加餉銀四萬二千有奇又請減楚地運夫  
中有云驅楚民於死亡已傷皇上撫摩之政儻激  
楚民爲寇盜益厪皇上宵旰之憂又云楚之民必  
不可重勞而黔之夫亦豈容議廢因黔以弊楚既  
有魚爛瓦解之形蜀楚以救黔尙有唇齒輔車之  
勢言甚切至蓋有功於鄉里者詩不多見僅從常  
德文徵採存三首

春日劉玉衡郡將招飲淨照寺暮復移樽墨池

古寺清流接五溪孤亭閑峙曲城西三杯草聖人何在萬  
樹千霄鳥白棲秉燭喜臨青玉案傾樽共唱白銅鞮歸來  
薄暮歡聲繼猶雜疏鐘送馬蹏

宿金牛寺

石磴參差徑轉清閑來遊賞趁冬晴高林靜擁松千尺香  
閣寒傳磬一聲霜引澗光煙未斷鵲驚簾影月初明素餐  
去日慙明主偶到禪關夢亦驚

高園晚眺

棲心原不問山幽縱步高園及早秋霞落千村楓照雨雲  
歸一壑蓼藏舟林中樵火驚明滅窗外漁歌解唱酬爲喜  
年豐多樂事好從田父醉西疇

楊閣部嗣昌 三十六首

嗣昌字文弱武陵人萬歷庚戌進士初除杭州教  
授歷戶部郎中以病歸崇禎初起河南汝州副使  
以父被逮三疏請代得減死尋擢兵部右侍郎兼  
右僉都御史總督宣大山西軍務時中原饑羣盜  
蜂起六疏陳邊事多所規畫帝異其才擢兵部尙  
書乃議大舉平賊陳十面張網之策請增兵增餉  
刻期勦滅踰期公疏引罪薦人自代帝不許而命  
察行閒功罪已改禮部尙書晉東閣大學士參機  
務仍掌兵部事時流賊旣熾疆事益壞交章劾公  
誤國罪乃落職視事未幾以敘功復之及羅漢山



之敗帝大驚特旨仍命督師賜上方劍以便宜誅  
賞公被命卽行抵襄陽大犄三軍屢敗張獻忠於  
興安未幾有瑪瑙山之捷軍聲大振公料賊困於  
蜀必乘虛返楚檄左良玉軍亟赴夔巫而良玉欲  
養寇自固十九調不應已而別將大敗開縣黃陵  
賊獻忠勢復張遂自蜀下夔門攻陷襄陽襄陽王  
遇害公方上疏請死聞洛陽已於正月被陷福王  
遇害益憂懼不食卒公才識明練博涉經史多識  
先朝掌故奪情孤立授命於疆事旣壞之際二三  
年暴露行間轉戰數千里事之不濟以死繼之亦  
可謂蹇蹇匪躬鞠躬盡瘁矣徒以不附東林而一

時同鄉諸名人首騰謗書天下乃嗟然和之雖以  
其子長翁仲丹之賢孝亦無解於悠悠之口悲夫  
崑山顧先生詩有云赫怒我先帝親遣元臣行北  
落開和門三台動光芒一旦質大命藩后殘荆襄  
遂令三楚閒哀哉久戰場蓋猶以公之隕星爲云  
亡之痛彭躬庵士望冬心詩亦云吾少從黨人大  
言誅楚相謂其忍奪情虛功糜國餉亂後逢闖徒  
訪以當時狀始悉武陵才謀猷頗能壯謂更一二  
載賊軍盡摧喪後復逢楚友鄉評益公諒謂獻挾  
往讐取屍棄江漲緋衣浮不沈月餘還舊葬自慚  
逐吹聲發詞何徧名隆萬相江陵國威甫退暢祗

以峻狹故萬口相排擗吾黨三折肱今更以身謗  
斯則公論之僅存者也公初以勦賊功進太子少  
傅既死論臨藍平寇功進太子太傅所著有地官  
集詩才奇恣恢譎不可端倪五言幽秀鑱刻尤爲  
擅場華陰王山史先生山志云彭躬庵作冬心詩  
之曰公道極尤妙在黃漳浦門人口中說出武陵  
有子名山松字長蒼作餘天錄辨緩寇紀略明季  
道聞國摧流寇志幸持錄延緩志崇禎朝紀略諸  
書之誣其中亦有公論未可槩以其爲父子之私  
情疑也其後綴刻此詩躬庵與魏氏兄弟爲至交  
善伯謂躬庵薄浦門人而長蒼謂坐上之客蓋以  
避伯師之嫌預爲躬庵地亦所以報也案善伯名  
際瑞休叔之兄卽世所稱寧都三魏者也顧天錄  
稿本尙存弱翁元孫超曾文敏公後裔所陶密公  
有序已附刻是集三十七卷長蒼詩下文敏集中  
又有繼陳先世冤誣一疏今并節錄其略云爲歷  
陳先世冤誣恭進遺書二種懇乞  
聖慈鑒憫

勅史館前除遠雪沈寃附安愚惻事竊照臣高祖  
明督師楊嗣昌仕崇禎朝孤立受知不附門戶以  
奪情起用中樞因入政視府為眾所嫉而在中樞時  
因責成勦賊賈怨洪承疇購黨攻訐以奪情為詞  
一時言者輒得罪眾滋不平迨後勦賊無成齎志  
以歿尋蒙日審時度勢不得已而臨心規畫之苦衷  
誣舉不當諒凡夫封疆失守行開失利與夫同身楚  
縶置不諒招旁觀沮敗忌成破局迄於壞不可支  
越扞格抵牾而歸之咎樞主調不應督師盡瘁以  
死之一人以為其護持門戶之私而洩其擊排不  
遂之憤承譌襲外流布海內康熙年間臣祖嗣昌  
疏縈剖晰譌舛而痛之囚襲集奏疏遺葉成編案據  
天錄蓋冀止謗明証庶備史館采擇也伏在草茅  
無階得達以故王鵠緒修明史葉所立本傳雜襲  
諸書末由刊刷史館因之遂以失實此臣祖嗣昌  
被誣末白之源委也謹按本傳中招誣失實之大  
者約有四條一曰用熊文燦燦變勦為撫致寇患不  
不可收拾考之當日文燦受事以後意多主撫臣  
祖嗣昌屢疏請旨督責有不得誤認撫之一字屢  
為賊愚自貽性命之憂等語若夫寇事之裂乃在

臣祖嗣昌督師之後稽其時二十六股之賊已斃撫十九股瑪瑙之捷張賊僅以身免因左良玉頓兵不搜致賊四突又臣祖入川督勦料賊必折奔楚檄左良玉由夔巫迎擊必可成擒而良玉違令西行致賊飛奔襲渡漢橫突中原不可收拾當日事勢本末如此距熊文燦在事時已二年矣論者見臣祖督師實能盡瘁且屢著奇捷難於深文於是罪其已身勦局之無成而反追論其由從前舉用非人所致遂謂寇事決裂由用熊文燦然匪苛文燦苟舉主耳此當日深文巧詆流傳失實之最甚者也一日講市主款戒戰失機考明失其御寇盜橫擾惟時戒嚴就爾時而論則爲表裏眷命偏師西指岷戎難就爾時而論則爲表裏并急之勢民力兵力斷難兩支臣祖嗣昌不得已而爲義州開市之急耳事訖未成仍聽便宜決擇稍紓中原塗炭之急耳事訖未成仍聽便宜決擇稍於築舍而止是臣祖嗣昌實言市未言款也乃諸書則混欸市而一之寃以主款誤國追戊寅九月我大清兵自牆嶺入惟時盧象昇主判戰高起潛主勿輕戰臣祖嗣昌與二人會商郊外往復辨論審酌機宜隨具疏聞并無附高戒戰之說况查當日未事以前排市議者初無沈謀妙算堪借

一籌有事之際敢戰如虛象并不過僅以身殉乃以局外事後之誤不諒局中當事之苦於請市未練餉達加病民益起為盜考當時勦餉大者在因得溢地二項因糧者取之有力不及無田與人丁頭會其斂者不同滿地則主清釐非關增派爾時寇禍蔓延入省國家力詘財殫欲大舉合勦為民除患不得已而仍資民力廷議衆同誠屬無可如何乃諸書持論謂宜緩圖耕戰夫以七八省生靈眉戮切於拯溺救焚之事而欲除議耕戰為十年生聚之謀何其繆迂而不達事情也至練餉出自廷臣議未定而臣祖嗣昌已謝樞務語在顧天錄中傳稱練餉使糜以楊嗣昌主之莫敢難者豈非誣歟一曰為人機警煩碎自用按此乃沿襲綏寇紀略中語也今諸疏具在指陳時勢慷慨淋漓是正為人機警者臣不敢辨又如臣祖身歿在前惟箴被陷在後且係病卒並非自裁傳俱失實有龜天錄可考也

### 遊靈巖

皇帝萬曆春四十又一年我遊靈巖寺寺在靈巖裕板扉

若貧家石池漫蝸涎陰塵糞古佛老殿牛屋羶僧來土瓦  
中見客腳自跣頭須一寸禿臭若豕鬣鬚導客出大門避  
影並流泉泉流發何許洞穴藏神淵洞門何所有奇礪猛  
而蹠森然虎豹怒呀哮九關前洞中何所見窈窕穹窿穿  
百人受高舍五丈吞曲旃仰視額角上忽若撞青天媧皇  
巧鍛鍊剗劖無一全九鳥射日落萬戶修月弦又如拔厚  
地倒壓空濛煙邱陵俯鬱確草樹欹緜芊千凹與萬凸磊  
砢何不平鬼髓盡滴瀝神精瀉涓涓有若干佛母撒乳千  
佛咽一乳五百道兩乳千道懸歛若風扣絲映若冰泮田  
鐘鼓或閒作餘籟浮空傳噲呬而窾坎銅銅以驚驚凝成  
萬物象妙出陶氏埏朝榮或如菌夜舒或如蓮三年或如

刻頃刻或如仙奇葩不可識海外來張騫白齒繁河鯨脰  
珠爛淮蠙老蛟脫鱗死黠狔挂角眠怪狀杳難述謂若禹  
鼎鑄異骨每欲泐數尺妥如椽又如載防風一節車可荷  
巖削姜維膽老築李陽拳卻後青琅玕層秀色亦妍忽思  
大秦人欲挂珊瑚袖鐵網一萬目鑿鑿海底聯笑指此石  
是何時出塵筌咄此未爲絕後洞乃爭先洞門如廣廈石  
理如清漣笨藤若修蛇百尺自蜿蜒蝸蝓如燭銀厥壽歲  
一千舍旃入洞腹古壁瘦且堅鳳髓自蕩蕩龍泓碧澶澶  
勇猛一丈夫相好何精研面容詎狹長滿月足光圓衣紋  
數毫髮朱繡徒戔戔天風一以颺脫壁如飛仝海水渡澗  
湧假掛非舟船前瞻行願王一者來翩翩左袖拋修雲偏



袒供右肩七寶飾瓔珞果玉與珠璫六牙鬘香象舉體如  
紺瓊四壁淨一色離堆兜羅絲我疑三大士出世爲因緣  
乘獅偶然後瞠乎其不鞭若人把炬火直入窮幽卒應復  
觀文殊莊嚴若普賢繫誰造此像微妙浩無邊鬼斧不敢  
鑿真宰因其然萬古知鐙矚六時香雨前昔聞顧虎頭擬  
畫維摩禪一軀點兩眼睪享百萬錢裴零拔劍起道子揮  
毫顛老筆刷如鐵醉墨爭奇鮮彼一手腕力蹊徑猶可沿  
又如衆生類嚴飾諸佛厭塗以膠漆布範以鐵錫鉛燃以  
白梅檀布以黃金甌巧匠紛刻鏤多財能自捐何如一片  
石生長無煩搗窪隆拊弱浪膩澤擎驚鱣以茲疑濁姿幻  
出清且媽安知首閭窟忽現桃花川昔時聞一峯東來飛

似翺墮彼靈隱側徑前纔一卷胡然浪得名藉正東南偏  
我欲乘風飄擲之使西還嗟此淵中石徒衆累萬員吾將  
要生公振錫來敷宣妙諦悅衆心天花飛入埏時時坐聽  
法念得成佛便而今且奚適桃花洞連連花開不可見水  
脈流潺湲轉側窺石竇獨去不可駢窅然一鏡微缺月張  
空考安得有輝人出入恣翩躚怒挾洞中石尋源泝濺濺  
折麻持作楫剖竹持作舡鑿開混沌入夢破華胥旋不然  
遺漁郎狡獪往復過爲我言其中桑麻閒市廛衣冠古時  
製男女多嬋娟其初定何許避世到此權浸假不復出世  
代忽以遷我始爲歎惋聽已心嗚嗚行將率妻子耕鑿遊  
獵畋傳與好事人搜之人奇編棄置且歸去空山號杜鵑

黑石渡望嵩高山

何年黑石渡，澗注青山次。山若縈手生，態狎而至流。黛潑斜川積，翠瀉幽筍中央。忽亭聳作勢，處尊位莊嚴。若古佛趺坐，斂姿媚東西。青鳳皇延頸，張兩臂千支，競相赴翔。驚如一意西山日，欲銜餘光復。森麗篋龍騰，鐵花海烏布。金翅石髮細可數，山膚繡如刺。我聞海內經，此是天中地。百靈會風雨，二室秘神異。及茲快登臨，甯謝向平知。

任邱曉晴

蟠泥中行，浹日未十里。昨投孤館暮，月落諸峯紫。應知明發時，疲寢遂能美。雞鳴呼僮僕，起視各殊喜。出門望東方，朱霞半天綺。丹砂爍金丸，震蕩出海水。俄頃升木末，頓

使沈陰徙四山吞溼雲百卉挺寒蕊野田青麥苗蒙茸初  
髮似鵲鵲春風和東作時伊邇晨炊餅餌熟居人笑相倚  
羅羅族子孫笑言啞可擬欲問征途人遠遊何如此

乞歸不得待命蔚州潦倒歲暮和淚擬古不自知筆  
墨之所至也

念歸豈今日七月日上書吾翁憶兒子字字達宸居皇心  
重牧圉不惜至情疏坐使肝脾裂莫慰倚門閭想見一息  
存識田千鬱紆嗚呼暴雷震狗鼠不食餘

如簧有底極時命與之遭殺人既三至慈母爲之逃伊誰  
似吾翁神襟泊天高鐵輪旋頂上定慧了不撓檻車詣請  
室如鷗戲海清猛虎著金鈴終焉能解縲

厥初命筮日感神期至誠及乎再三瀆神已厭謫謫孤兒  
苦無告焉得效金鍼再疏呼九閭巽命卜申銜帝德荷包  
荒馮河不假帆孤兒竟受命顛倒著征衫

附錄王文簡公池北偶談楊武陵奪情事閱之山  
長敦授王岱云其父客嚴首昇周聖楷輩爲武陵  
所抑遂騰謗書又當時與黃石齋先生矛盾故論  
者多少之按禮三年之喪金革之事無避公羊傳  
閔子要絰以赴公難退而致位以克私恩春秋亦  
紀晉襄公墨綬之事漢唐以來遂有起復之禮能  
改齋漫錄云前漢翟方進喪既葬二十六日除服  
起視事宋王性之跌記云本朝不獨宰相卽百執  
事皆起復惟富鄭公以太平而辭儒臣如楊大年  
王元之晏元劇皆未封服富公之後如陳升之亦  
百日起復此蓋朝廷體貌況在兵革之際云云按  
已上諸公非盡有金革之事若武陵則金革之事  
也又考明初名臣亦多起復至羅一峯論李文達  
後此風始息奪情固非美事然南陽以一峯武陵  
以石齋獨受惡名則不幸也顯鶴按弱翁得罪清  
嶺無如石齋先生及盧忠烈之甚然忠烈以墨衰

死後天下哀之窮翁以厚哀視事天下紙之同一  
金草之事同一奪情而武陵獨受惡名則其平日  
不附東林之說也乃若伯孔平子輩皆楚人自相  
攻許尤不可解伯孔謗書適及其身自作之孽匪  
惟人事亦天道也阮翁此論  
猶見三代直道之遺

### 牛頭山寺雨中

雨裏看山上牛頭荒榛峭嶸高邱蹒跚磴道行夷猶撓  
拘錯跌滑難留縈回屈曲叢林幽長風送冷來颼颼修廊  
廣殿俯平疇短禾深綠侵人眸僧耆肅客紛悽悽撞鐘打  
鼓高雲愁飛泉下霜如鳴簌古瓦剝落苔蘚流穿土作穴  
環以楸蘿薜引蔓手可掇火雲六月宜披裘洞陰垂曆不  
能遇起嶂雨腳若爲收杳靄慘淡空山秋地肺冥濛不可  
求陸海信作蓬瀛洲安得矯翼凌風遊高尋不死資冥搜

莫叱狐狸逐鴈鳩可憐暴巫方未休

龍雨圖書

炎帝祝融相偶鍛飛廉屏翳營爐炭陽烏墮落如熱燿燭  
龍吐燿旦復旦吁嗟富媼頭額爛下燎深谷上高岸赤燦  
怒神恣凌亂捉擲萬物充新爨空弓落飛不以彈百車委  
羽聊一燦流金焦土何足惋礮礮燦石若礮礮礮礮礮礮  
五色斫補天不漏東南半焚林赭木恣所玩灰揚弱枝美  
強幹封狐腹蛇奉頭竄雄虺九首走流汗江妃漢女愁曼  
曼楚人虞潦不虞旱有獲不知漢陰灌泣終隕血不可斷  
一龍矯矯天際觀尾搖北戒首南漢翻然下擊仰鳴鶴寒  
生颼颼雨爛漫清朝雷鼓鳴至肝神犁縮胸女妓懷江沙

晶晶水渙渙穰穰穀熟不可算  
矇竊作歌補圖讚

西峯

巖色臨馳路危標最谷西  
一峯青滿蒼千澗白虹霓  
石罅猿生子松髯鼠命妻  
獨行逢道者珠露解囊攜

曉發汜洲寄史元亮

漁火雜江煙濛濛進曉船  
櫓聲寒自切隄鼓急初傳  
潦岸隣荆柵空洲弔橘田  
此行雖見戴餘興不能旋

夷望山

每愛昌黎語青羅紺碧簪  
所矜吾土美遙獲古人心  
四壁信孤影五谿懷衆音  
冬春兩攜策稍不昧高深

關下山



沙洲老青集卷二十一  
衆峯相倚媚煙草惑巫山每向桃源說如經蜀道聞仙家  
藏定密水意折從關妙盡支川理蟲魚注可刪

白壁灣

此山疑漢史穿鑿豈無痕煙水營茲窟華夷限若門笛寒  
飛鳥路鐙遠釣魚村賴作嬉遊思篙師已悖魂

三石澗

選勝就三石周遭衆木參中仍瀉寒澗名久蝕精藍伏谷  
虎晨去隔沙漁夜談霜林與霞壁觀取夕陽酣

綠蘿山

一生看不足疑此弱煙凝靜覺娥輕斂虛惟影自憑飛鴻  
霜雁字寒葉點魚骨坐撥孤琴冷清音寫未能

平山

信矣堪棲託高真蹟可尋泉仍瀑山井磬未隱空林魚鳥  
供人足田廬隔世深能來漢陰客吾與息機心

臨沆縣

萬里牂牁水春城幾共臨  
調沙煙作帶吹岸雪爲音  
花閣秦年曙烽纏漢塞陰  
不知招隱地荒草尙堪尋

枉人山

溪山良自昔復此足幽篁  
網戶留遷客僧寮割讓王  
掠沙晴雪過觸石古雲香  
願結清娛地生止墮勿忘

漸水

沆泉寒裂石誰遣故名湏  
地秘陽山奧城荒漢壽春  
辯餘

稽古力閑作問津人去入江南夢朝宗道所遵

汜洲

野水寒無外柑名絹不亡甯期彼傭語相助我思長宦莫  
資三徑生當植衆香漫勞田舍女解事學襄陽

按已上諸詩弱翁原序云乙丑冬日舟遊攜水經  
在證沅水所經地得十一詩每題下微引鄭詳及  
方志諸書加以論斷極詳且辨汜洲下註云開歲  
遊行市兒取一柑餽客曰絹布也擘之香霧芬美  
有異常柑因解絹字之義  
曰歲上一匹絹共是物哉

龍陽縣

僦船牽岸住燈火向城孤井邑黃龍置圖經白杏湖隔溪  
連理度殘夜竹枝無不測巴邱水皇皇衆所趨

舟遊桃源卽事次友人韻

不離眠食事所至納清幽戴笠聳煙影攤書灑瀑流靜言  
魚忽上孤響雁相酬半月灣前石吾茲勒五遊

蓴菜詩呈龍君御先生

并序

僕去歲四五月閒於武林西湖食蓴而甘以吾鄉澤國  
意必有之乃取花葉辨問得其狀貌今年春於下陽坪  
展墓回道見洗馬堰中有此采而食之往求他澤則絕  
無有過家舅陳季主氏談及舅揀郡志示我府西北十  
五里有古蓴陂別無洗馬堰之目蓋卽其地也

修莖拔出淺深池饌得龍涎和鯽絲盡羨他鄉饒蟹舍不  
知吾土有蓴陂閒興張季塵中歎食憶顏公滑語時試把  
春衫嘗苦筍坡翁應笑失便宜

按此詩君友沈栗仲欲摘去後四語爲絕句良是  
余笑語之曰弱翁受侮於世久矣此等文字似不  
必苛求仍之可也栗翁無以應

榆關

天末孤懷夜復明  
夢餘高閣不勝情  
潮來四壁有龍氣  
春盡六窗無鳥聲  
鳴鏑幾時空  
昂畢擲杯今夕可蓬瀛  
莫須更奏哀笳曲  
恐惹愁端向客生

清漏嚴城鎖鑰孤  
不將人吏誕先驅  
軍容靜裏看襟帶  
禮法疏時信指呼  
鯨海有光涵匣鏡  
狼星無焰奪雕弧  
賓僚漸集還除起  
那得高陽羨酒徒

青油四壁絡刀環  
倉卒傳呼出漢關  
草覆層冰禽覆草  
山圍萬火騎圍山  
牙旗立處巖千仞  
鬢髮叢時雪一彎  
家世

教忠真不竊向來心膽近粗頑

遊三游洞

青鞵踏著舊因緣

自注昔曾遊此

欲話遊蹤恰悄然家近半千身

半百酒醒中夜月中天但看草草勞人夢獨訝星星聖主憐  
安得功成棹歸去前溪忽逗武陵煙

沙羅夜泊聞灘聲

片霞初月盡疏竈驟雨驚雷入夜風不爲榜人催蚤起爭  
知欹枕半灘中

歸舟桃川宮風雨阻遊寄題三絕

臥聞疏雨滴寒江白到明來不啟窗分付仙人休卻掃誰  
拋屐齒一雙雙

驚風昨夜斂晴霞  
楚雨巫雲暗一家  
不向漁郎詢去處  
情知別洞有胡麻

輕舟來去覓仙庭  
鎖卻雲房一抹青  
二十五年纔六過  
可能幽怨不惺惺

送子漸叔父之金陵口號

燕市過從竟寂寥  
鳳城秋半入迢遙  
心隨一片橫塘水  
似有情人板橋

襄陽送兒山松歸里時在督師軍中

無復山公載酒心  
帳前矛戟但森森  
天恩欲洗蒼生血  
一夜焚香漏水深

一瓣香然報主心  
天人相對感陰森  
不知弱海填多少  
精

衡元無問淺深

江陵曉渡

寒日汀洲煙霧輕  
古隄疏柳隔江明  
漁歌唱到無人處  
遠厓微波相映聲

哭龍君超先生

翼軫淪精日  
江湘滅浪時  
斯人哀運數  
吾道失宗師  
吏部

禪光寂詞林  
帝所追思

自注袁石公先生巾道雷何思先生思濡以是歲皆亡

傷心三

楚望啟手一年期  
仰止情兼悼緣親  
理獨悲憾公埋照  
早嗟我問平遲  
王氏寄箱學梁園  
白雪辭審言  
惟乃祖蘇頌  
復佳兒蚌吐雙珠  
出蛇明兩劍垂  
長公眞伯仲  
第五漫雄雌  
苦厭浮名薄  
何關小隱癡  
歲星遊戲是  
仙子謫居疑  
寄



興無功酒閑情表聖基撈蒲償估客匱匝對名姬飲敵干  
人失談鋒衆口資康成容不醉武子坐偏怡更嗜揚雲古  
仍兼太史奇異形疏屬辨多識藻簾窺水氣捫周鼎山鐫  
宛禹碑哀來書畫帙秘若玖瓊枝集羽咸能翠探珠必得  
驪世人誰具眼元趣獨指頤勝具尋峯遍幽情選宅移茶  
寮閒轉折藥畝種參差所愛惟柑橘嚴芟是蒺藜薦蘿文  
隱几禽鳥傍垂帷客至沈沈酌僧來渺渺儀入林聞見別  
出世我人遺楊貴情偏適周顓德豈衰百年宜可駐一日  
顧安之慟哭聞笙鶴冥飛見尾箕定將仙供佛不是死兼  
離可恨風流隕誰言性理隨襄陽雕米芾輞口喪王維酒  
社緣真斷詩盟事亦曠小山叢桂冷老圃樹檀姜

自注先生有園

名之賤  
口槐  
丁情無學先生獎不貴總難今問鑄仍守舊悲歧  
敢作招魂賦非廣絕命詞

楊尙書一鵬三首

一鵬字大友一字崑岑臨湘人萬歷庚戌進士授  
成都府推官入爲吏部郎中轉大理寺丞以忤魏  
璫削職璫敗起原官管尙寶司丞事遷太常寺少  
卿擢兵部左侍郎遷戶部尙書巡撫江北四府坐  
疏寇陷陵寢賜死其子昌朝著忠冤錄開於朝帝  
追悼之詔復原官有陽春閣燼草尙書初官成都  
時卽撫定久叛之播酋著兵木二議以甦民困蜀  
人德之旣忤魏璫奪籍起用後旋疏劾襄城伯李

守琦首餉罪其耿直敢言如此巡撫江北乞於鳳陽專設撫臣以固陵寢不報寇氛遽集遠不及救倉皇就戮非其罪也讀登軒轅臺詩結語豈其有先幾之見乎

君山夜望

湘山奇絕處夜色靜娟娟遠浦將殘月澄波欲曙煙難分星與火莫辨水連天欸乃歌何樂遙知是刺船

登軒轅臺秦樹半赭仙酒餘香上下千古神與同遊憶昔攀髯盡帝臣只今空有石嶙峋重來風月無邊地相對羲皇以上人濁酒不分清與聖冷灰難辨漢還秦何須更說人閒世戴髮爲僧亦道民

湘君祠觀古松

望斷蒼梧憾莫從  
深山寂寂點秋容  
獨憐萬古湖心月  
猶照荒祠百尺松

洪按察雲蒸十四首

雲蒸字化卿攸人萬歷庚戌進士累官嶺南道副使崇禎六年粵寇鍾凌秀陳萬張文斌等憑險四掠誘禽之平九連山題建連平州擢按察使卒以諭降海盜劉香老被執死之事具明史熊文燦傳先是鍾凌秀既降復叛爲鄭芝龍所禽而福建有紅夷之患海盜劉香老乘之連犯閩廣沿海邑帝以責文燦文燦不能討乃議招撫賊佯許之公初

官廣西參政嘗搜凌秀餘黨斬三千餘級盡毀首  
巢文燦乃令公與副使康承祖參將夏之本張一  
傑入賊舟宣諭俱被執文燦懼罪奏諸臣信賊自  
陷給事中朱國棟劾之詔貶秩戴罪自效八年楚  
龍合廣東兵擊香於田尾遠洋香脅公止兵公大  
呼曰我矢死報國急擊勿失遂遇害香勢蹙自焚  
溺死承祖等脫還賊黨千餘人詣浙江歸款海盜  
盡平公著有紫雲文集小影集運甓齋啟葉公過  
害賊沈之海中越五日浮出沙口有海鶴張翼覆  
之全集未見近從攸興詩鈔中採得數首

紫雲先生運甓

齋啟葉自序余少讀昌黎上張侯射與韋舍人書  
輒鄙其薄行後登仕籍始持耿直不少毀損然輒

被拙抑臺山相國謂余曰子誦法孔孟而不思孔  
孟之所以爲孔孟夫殺身成仁舍生取義是其大  
德不踰閑處而諸陽貨侶主驥微服過宋戒心受  
讒若近口廷直之儒定不出此余聞此語始恍然  
於涉世之方卽聖賢濟世之道凡一切應酬言  
文字一秉於孔孟之權與時而不以私意參乎其  
間天啟乙丑出知廣州族子起莘以選賢齋啟  
請梓余曰應酬文字敘寒暄而少義理則人以爲  
誕過與則人以爲謾計直則人以爲刻至所交遊  
之人淪行於末節則復疑比匪有此四者豈可梓  
傳之乎因述和國之言以弁其端且識余少時所  
見之未達云豫江吳雲紫雲文集序今人但知  
先生留身於賊以死報國不能如韓昌黎之於王  
延壽竟爲顏魯公之於李希烈不知先生死而亂  
賊卽殄三省遂安固爾時呼鄭兵以擊之實則先  
生之正氣化雷震以殺之也先生之學出於劉徵  
君徵君之學傳自耿天臺天臺楚人也先生亦楚  
人也天臺教人卽心卽事卽事卽道卽道卽慎術  
先生每與同門論學謂吾道自足必不可引二氏  
之言以爲蒹泊是雖得學於徵君原乘於天臺懷  
勝陸五臺趙大洲諸君子多矣學術明而後心術  
正心術正而後治術良否則不言教化而言刑名

不言倫理而言寂滅亦粵賦劉香老之類而已文集多散失然先生之集何必在文氣作山河南嶽洞庭皆先生氣也天臺紫雲楚中真兩賢哉

許州別諸生

聖朝饒雨露逐吏位仍竊驅車許南門遙望集衆哲去去  
閱幾程祖道訝未絕攜手復何云內聖外王訣內就心強  
名外從事詫說心事一時并王聖詎兩截離王卽雜伯離  
聖落寂滅願言此中尋漫勞空臥轍千里證神交勉旃無  
作輟

按先生此等詩頗嫌近擊壤派存此以見先生平日講學工夫非取必於一死者可比也

乙亥孟夏海赤三日寇舟感賦

從來聞海碧今見海水赤五行類應中所載不必數記得

乾鑿度三日變可釋於今海亦然何爲疑且噴學海而至  
海觀化更何擇鯨革亦堪裏豈必俟馬革但憾任公子能  
釣不能磔

六月初五日次贛長子珪臣以送行至次吉安次子  
璽臣又至余述先大夫聞邊警禱神青辭作歌行以  
諭之

天啟之閒兵事忙汝祖氣結凌穹蒼走向諸廟發誓章三  
十六願何其詳願天佑我明祚長願天輩我皇圖昌願天  
有相如姬姜願天有將如韓張一切文武洗肺腸盡翻舊  
習勤匡襄帷幄運籌旆旆揚敵騎聞之走且僵四夷賓服  
闔八荒皇矣上帝休嘉彰祖忽厭世遊天間遺此青辭諸



廟藏鄉遍仙壇邑城隍僧道諷誦聲琅琅憾不努力事戎  
行憾不將身爲保障今提粵兵馳冀方汝祖若存知非常  
當呼兒孫付錦囊六韜三畧緘緹細忠肝義膽酬君王況  
憶吾弟才尤長二十有七嗟云亡祖曰惜哉徒爾殤胡不  
移之死封疆鞠躬盡瘁相顏顏告爾祖訓真煌煌上下神  
祇質枉傍我今此行神激昂金戈鐵馬催晨裝吾兒邁歸  
王母將惟茲繼述宜擔當古來浩氣終堂堂

和大司馬張明翁謫嶺外雨中招飲之作

歲歉何太甚民窮但有身憂天逢大老憫歲忝藩人賈涕  
流無異堯樽且自親還期傾北斗率土轉陽春

石橋公館

攸水滌洞新市城石橋署裏不勝情青山偃蹇窺停仗紅  
樹慙慙送去旌四牡屢經雙隻堠一家同住兩三楹憑誰  
喚醒通宵夢百代光陰過客爭

六月初一日度梅嶺和王制軍韻

東征曾賦十年餘兵食於今尙裕如上將握奇非暴虎牧  
人占歲應維魚小臣惟有丹衷獻逸叟甯無黃石書今夕  
行營梅館宿洗兵瑞雨灑簷除

度瀧水聞賊警有述

五馬長嘶向粵東海山蠢動意忡忡幾人但向綠林哭何  
處能彎明月弓漫道節同瀧水白還應義奮陣雲紅一官  
久滯原非滯蚊負深慙軾畫熊

迎兩廣制軍紅梅署中作

節使星臨嶺海東  
花迎旌旆鬪芳叢  
清塵不厭經旬雨  
偃草便宜五日風  
小駐門如官舍冷  
高吟句入水聲融  
紅梅署裏梅應笑  
待趁餘香踏玉驄

夜雨憶小江江友

小江江上舊相攜  
此日飛濤滿綠溪  
我寄簷前聲數點  
和風和雨到江西

奉和絕句漬酒吟二首

誰把儒冠蚤自休  
佳山佳水任君求  
求請看天下如堯否  
方許山中作許繇

問君詩興卻如何  
逢酒逢山詩便多  
此道不從山酒得  
試

看生意滿庭柯

絳虹橋

忽訝天邊落彩虹  
圮橋一過想英風  
老人夜半傳黃石  
淨掃狼煙萬里空

濯纓臺

高臺臨水興偏多  
金鑑澄澄漾碧波  
記得浮槎稱盛事  
煙波盡處是銀河

七月十五日次金陵奉詔班師順風誌喜

萬里辭家望凱旋  
班師詔下九重天  
陰山不復嘶驕馬  
風送雲帆到故園

劉大理宏化

二首

宋化字貳公一字衡麓攸人

湘潭志作長沙衡人後改熱湘潭

萬

歷庚戌進士兩令山西以循良稱擢刑科給事中

以劾魏璫下獄烈皇卽位起兵科給事中晉光祿

寺卿轉南大理卿以疾歸有衡麓秘錄後樂集公

蹇謬成性風采肅然居諫垣首上疏糾輔臣附權

貴內臣僭批荅直聲震朝右其議移宮紅丸諸大

案皆侃侃不阿魏璫亂政先後陷楊忠烈熊襄愍

皆楚人公上疏力爭坐受熊賄削籍入獄烈皇始

予昭雪明史未爲立傳而事蹟本末往往見諸人

傳中蓋光熹間名臣不定以詩見也

攸輿詩鈔衡麓居諫垣鉅

鉅有聲明史不爲立傳而事蹟散見諸臣傳中魏璫亂政周宗建坑疏攻之言進忠私人郭鞏爲附

爲首領史則方震孺爲首而臣亦其中一人也疏  
人進忠議廷杖之會劉宏化力大在等交章助宗  
建攻進忠等輩復力詆諸人乃賜旨切責奪鞏宗  
建俸此見於周宗建傳者初廣寧敗書聞廷臣集  
議兵事張鶴鳴盛氣胥熊廷弼自解給事中劉安  
化首論之坐奪俸此見於張鶴鳴傳者石三畏詔  
附魏忠賢授御史首劾都給事中劉宏化獲譴又  
劉徽由  
列太僕卿吳炯黨顧憲成兩人獲嚴譴又劉徽由  
臨淮知縣擢御史誣給事中劉宏化毛士龍御史  
樊尙燦易可壯賊賄事忠賢喜削宏化等籍勅所  
司徵廷燭賊此見於曹欽程傳者衡麓與洪紫雲  
同榜進士紫雲以忠烈顯衡麓以謇  
諤稱皆能不負科名詩特其餘事耳

### 元日早朝

紫殿春開帶曉寒趨蹌萬國肅衣冠經筵臣獻椒花頌御

府恩頒柏葉盤

白注時賜坐飲宴

坐侍龍顏星乍落拜歸天語酒

傳乾

白注傳旨飲乾

聖朝雨露漸無補捧日心傳一寸丹

恩從郊祀喜晴

聖主南郊重禮天，千官扈蹕泰壇前。  
晴薰玉帳香風霽，氣接星垣曉日懸。  
五色縵開霄漢錦，百靈環繞御爐煙。  
微臣瞻仰龍光近，長奏升恒嘉樂篇。

龔錢塘之伊一首

之伊字覺先，號如溪，澧州人。萬歷庚戌進士官常山知縣，以卓薦調錢塘。著有桃花庵集。卒年三十四。

舟行無事，出舅氏行甫、文甫兩高先生所屬先舅心齋先生禮紀爲之裁定。悠悠我思，倍有劇於渭陽者。當年藜藿照西京，流水高山意未平。自拾芳蘭酬故國，早

看遺草出諸兄展來江上風俱暗坐久湘南月自生無限  
扁舟回首意續班此日是曹甥

龍舉人襄一首

襄字君超武陵人萬歷壬午舉人有檀園草檀園  
爲君御之兄鄉舉後以侍父疾遂不會試學識通  
博君御九芝堂集其所論定也袁中郎有託龍君  
超允仙源隱居結鄰詩楊文弱有哭君超先生四  
十韻詩其爲名流所推重如此今檀園草未見僅  
得其雁字詩六首當日吾鄉社集競賦此題幾成  
惡習檀園六詩饒有寄託末云嫵把姓名題寺塔  
也垂文采照江湘爲自己寫照尤可當小傳讀矣



今止存此一首

雁字

映帶明霞翰墨光  
淒淒形影水雲鄉  
弟兄朋席時相聚  
奴婢詩書儼列行  
嬾把姓名題寺塔  
也垂文彩照江湘  
曾傳兩粟荒唐事  
猶喜年豐足稻粱

鄒舉人蒙二首

蒙字汝正新化人萬歷乙酉舉人著有育齋詩集  
育齋爲邑名族與弟泰齊名父廷望字見岳嘉靖  
四十一年進士累官行太僕寺少卿以名德重於  
鄉里今新人所稱洋溪鄒氏是也育齋詩集爲車  
子仁大參序行今不見里塾鈔本傳其與邑宰林

培唱和諸作林培東莞人宰新化多異政徵授南  
京御史見明史馬經綸傳以疏陳時政與經綸同  
獲罪爲萬歷朝名臣今洋溪有鄒氏科第坊培所  
書也

和林邑侯舉行鄉射禮卽次元韻

古道曾行泗水隈何圖雅化到吾梅知君久負穿楊手多  
士應懸入彀材時會六弣飛白羽間分三箭靖黃埃豈徒  
禮樂風巖邑要使邊民負弩來

時寧夏  
方用兵

友人邀遊文仙山感而有作

幾見歸田薄宦情那知避穀學丹成巖花竟日向人笑石  
竹終年拂榻清雲護洞門深窈窕雨餘荒隴自耘耕義熙

甲子何須問爭識高平長嘯情

王同知尙賢

一首

尙賢字思履邵陽人萬歷甲午舉人授將樂知縣  
再補蒼梧擢蘇州同知思履居官清介有卓績在  
蘇時撫定武進亂民禽治丹陽劇盜置官田以蘇  
漕累尤其著者以議論不合於司理一夕挂帆去  
山陰祁忠敏公彪佳時爲巡按特疏以表其歸歸  
後杜門著書得理學之傳於其族塘南先生有菴  
園集二十卷祀鄉賢子嗣翰嗣乾皆有名孫元復  
以理學著楚人所稱能愚先生者也菴園集久佚  
僅從方志得近體一首

三渡水閣

三渡橋邊水懸崖一徑通危闌飛瀑外虛閣亂雲中潭影  
澄秋月鐘聲落晚風野遊無可語獨立看歸鴻

舒禮部高崑一首

高崑字昆山潯浦人萬歷甲午舉人官宿松知縣  
擢禮部主事轉員外郎進郎中嘗著禦寇論平賊  
書弱翁見而奇之及督師外出遂薦之督餉與賊  
黨羅汝才遇於劍州戰死贈禮部侍郎

劍州臨難寄楊閣部文弱

憑將肝膽報君親日盡途窮語亦辛相見黃泉慚孝子垂  
名青史愧忠臣官無寸補難偷活死有餘辜忍化燐厲鬼

沈洲者有集卷第二  
儼真能殺賊精魂仗汝定楓宸

舒僉事自志 一首

自志字履初潯浦人萬歷己酉舉人授武義令調  
義烏擢處州同知分守海防時倭寇始平鄭芝龍  
等猶縱掠爲患履初嚴保甲繕武備寇不敢近加  
僉事銜以母老乞養歸甲申之變憂憤不已牛萬  
才掠縣攻龍鳳石盤兩砦屠之履初率鄉人保於  
龜山萬才攻之三年不克乃解去履初竟卒於砦  
哭族父昆山殉難劍州

潢池鼎沸徧烽煙叱馭崎嶇命竟捐熱血淋漓應化石忠  
魂慷慨總歸天枕戈縱有同袍客報國空存正氣篇妖祲

滿空何日掃西瞻劍閣淚潛然

李學正永傳一首

永傳興寧人萬歷時貢生廣西興寧州學正

春遊雲蓋山

春色近山城何妨載酒行雲穿風轉媚溪暖日初晴洞裏  
千年鶴林閒百轉鶯談空逢老衲半晌已忘情

袁同知子訓一首

子訓字

郴州人萬歷時拔貢官雷州府同知

登衡山

登臨七十二峯巔萬壑晴嵐一望連梵雨鳥銜飛世外松  
清風引到樓前韓祠尙峙開雲處禹畫猶懷治水年翹首

天邊南斗近不知身世在雲煙

劉學正膳生二首

膳生攸人萬歷時貢生武岡州學正

遊石蓮洞

不信花源尚有津洞中難覓避秦人未終棋局曾留語擬種桃花更愴神破壁鐙寒蛩有約孤峯樹冷鶴爲鄰胡麻非是人閒物枉向溪邊日數巡

魯訓導文斐一首

文斐桃源人萬歷時貢生閩清訓導

江進之雪濤詩話桃川宮

舊有道士姓曾號種桃其人抱元修比其歿也邑中魯博士文斐以詩弔之云云博士平日無詩名乃此章則何滅人而種花之句

弔桃川宮種桃道士

種桃道士歸何處  
曾種溪桃作主來  
今日有桃君不見  
桃開依舊是君回

李歲貢可薺音

可薺字瞻麓桃源人萬歷時貢生

雪濤詩話余鄉有李瞻麓者績

溪令李麓南之子少負美才善談吐所爲詩未必成家然自有詩趣滇南有楊孝廉者號淳庵曾侍其父博士寓余邑久與瞻麓善後楊以四川籍令湘潭瞻麓遺以書楊未報瞻麓復遺以詩云十年一字香難期怪殺魚遲雁亦遲囊貯薺箋無川處想來欲搗去思碑其風致如此

秦人洞

生長桃花源不識桃花路  
仙人杳何之悵望桃花樹



沅湘耆舊集卷第二十二終

沅湘耆舊集卷第二十三

新化鄧顯鶴湘臯編輯

鄧縣沈道寬栗仲校訂

羅文介喻義

五首

喻義字禹鐘一字湘中號莢江益陽人萬歷癸丑  
進士改庶吉士授職檢討假歸天啟初還朝歷官  
諭德晉經筵擢南京國子監祭酒崇禎初召拜禮  
部右侍郎協理詹事府充日講官晉秩尙書尋罷  
歸公性嚴冷雅尙氣節官祭酒時諸生欲爲魏琯  
立生祠公懲其倡者乃已忠賢黨輯東林籍貫湖  
廣二十人以公爲首遂削籍莊烈帝卽位乃召用

復以經筵論時政忤溫體仁罷官公負經濟才平  
居不輕接一客發一論後見中外多故將吏不習  
兵乃銳意講武事又以時方用兵而督撫大吏不  
立軍府財用無所資因言武有七德豐財居其一  
正餉之外宜別立軍府朝廷勿與知饗士賞功購  
敵皆取給於是因極陳車戰之利按畝加派之害  
疏入俱不行尋爲體仁所傾奪職閒住家居十年  
卒公父敦仁深經術有尙書是正一書力發古文  
尙書之僞公序稱原本今文亡者闕之而散見論  
語左傳孟荀者附錄焉非是族也雖世所稱十六  
字不敢不正惜其書不傳公六經皆有著述詩集

未見僅從選本方志採入古近體詩數首殆未足  
爲公重也按益陽縣志稱公歿贈尙書諡文介不  
著贈諡朝代考明史本傳公晉秩尙書  
後始爲體仁所傾其子諡  
諡在南都既立之後也

### 金臺行

君不見吳王姑胥楚章華朝遊麋鹿暮棲雅又不見銅臺  
舊址迷煙柳阿瞞雄風復何有古人無地不堪哀今人偏  
說黃金臺燕昭閒館春風靜郭隗離宮夕照開築宮擁篲  
忘軒冕豪俊一時皆妙選武略爭推昌國君文儒亦有談  
天衍一從衍律吹數聲昔日金臺今帝城開第沈沈規碣  
石飛甍矗矗誇元英千金市駿駿千里無復鹽車垂兩耳  
我亦辭家北向燕尊禮遂擬從隗始凭高一眺仍淹留景

色依然發旅愁。易水悲風疑送客。燕山暑月似逢秋。含情  
佇立心悄悄。那堪落日懸樹杪。三萬六千急景催。八十一  
分神州小。吁嗟乎。昭王君臣安在哉。千秋霸氣留高臺。雁  
門龍塞同崔嵬。

禁林春望

城闕鬱崔嵬。蒼茫御苑開。年光花外迴。春色雨中催。細草  
侵馳道。垂楊拂露臺。上林殊可賦。愧乏長卿才。

太乙轉東皇。寒輕解鷓鴣。早春鶯語澀。遲日漏聲長。雙闕  
花間出。千門柳畔藏。遙知聖情豫。蒼佩御青陽。

經始三臺閣次吏部郭些庵原韻

秋郊作樂野雲奔。盛集衣冠照酒尊。雉堞壯哉天作色。黿

飛盤爾巧當門資江曲曲遙通漢白鹿峯峯遠接崑最是  
人倫推有道詔來高唱國風存

萬壑千流勢若奔仙洲三五此稱尊山形象緯回天闕地  
勢當朝關海門愧我碎金難比謝憐君片玉總成崑同心  
得似江頭水如帶隨磐尙永存

戴兵備君恩一首

君恩字忠甫一字紫宸澧州人萬歷癸丑進士授  
西充知縣調巴縣入爲刑部郎適渝州有土酋樊  
龍之變擢僉事監軍渝平晉浙江參議以署浙督  
學中飛語解官忠甫有經濟才旣罷歸入太清山  
益讀有用書講求治理起山東參政轉陝兵備時

流寇充斥忠甫抵陝斬獲賊魁金剛鑽開山鶴黑  
煞神五閻王諸目廷推山西巡撫新視事以迎春  
召王剛宴而誅之并斬通天柱於他所王剛通天  
柱者皆關中大寇殘破城邑後相繼歸順陰結黨  
不散者也既誅其魁羣盜略盡或有議其殺降者  
竟以是罷歸著作甚富有讀風臆評見四庫全  
書存目繪孟七卷見經義考詩集未見止從州志  
採存近體詩一首澧州志人多以君恩殺降爲議  
給諫張第元力言諸賊蹂躪之  
慘而君恩得免君恩非殺降誅賊也功也非罪也  
君恩文章政治卓卓冠羣倫當懷宗時賊焰方張  
旋撲旋熾需人益孔亟哉君恩撫勦兼施民懷畏  
俾得竟其用三邊可恃以無恐殺降謗興遂以廢  
棄甚矣知賢善任之難言也又云明紀載萬歷二  
十八年廣洋衛鎮撫戴君恩奏稱廣東有名馬天

驚絃鎖袂西錦珠寶皆其土產上命稅使征收考  
君恩萬歷三十四年丙午始舉於鄉四十一癸  
丑乃登進士何得二十八官廣洋鎮撫又俗傳  
其陰事瑤瑤果爾則宜早得大官何至浮沈外僚  
至崇禎甲戌始爲巡撫且一麗逆案得罪清議以  
莊烈之明斷亦必不以封疆重任畀之是媚璫之  
戴君恩應卽爲廣洋鎮撫者乃  
以之疑賢者卽是不可不辨

### 別韓震西參戎

海外相看歲幾更多君安雅見交情浦雲已隔燈花冷帆  
影猶依劍氣清漫道波濤窮縣尹依然風雨老書生何時  
再顧樽前曲細譜新翻第二聲

### 蔣郎中向榮 二首

向榮字澹心零陵人萬歷己未進士授大名知縣  
調南樂有異政左忠烈公光斗以治行第一薦於



朝入爲吏部郎中時魏闢專政憾楚人甚故楚人  
受禍尤烈御史吳裕中廷杖創甚公夜半至其寓  
吳手書并金屬遺其母御史卒公攜金付其家爲  
經理後事慨然曰時勢如此捐軀何益因連疏乞  
歸闕誅朝廷方謀起用而公已卒矣有葯房集

紫霞上巖

鬼谷安能鑿仙家自有天玉函鐵作冶瑤草石爲田觀敷  
谷靈籟呼龍吐瑞泉只疑巖上水或與絳河連

九疑山

天外青蒼削九峯人傳虞帝古幽宮翠華彷彿鬚松杉裏玉  
瑤稀微洞壑中豈謂二妃頻洒淚肯教四海未從風至今

醜酒荒祠下杜宇號殘花自紅

張給事士升 三首

士升字積生沅陵人萬歷己未進士授新喻知縣  
調浮梁擢戶科給事中有奇響齋集祀鄉賢

懷九磯

結廬九磯上垂釣九磯隈所釣非釣魚釣磯生綠苔長悲  
濯纓人抱石竟不回黃塵天地塞白骨魚龍堆矯矯嚴子  
陵千古桐江臺天命有廢興末俗爭喧豕投竿誓歸去一  
嘯秋波開

步野寺

兀坐忽不適來尋禪院羣斷橋初過雨高樹欲留雲鐙火

連僧屋梅花壓古墳  
窅然清磬發相對老迦文

界亭道中

故國蚤入望崎嶇  
心較安勞人頻問酒鄉  
語勸加餐家近轉生夢  
霜清漸作寒萬山紅樹裏  
匹馬畫圖看

胡督學澥 三首

澥字練海澧州人天啟壬戌進士授行人司擢御史以疏忤周延儒改儀制司主事歷主客司郎中累官都察院左副都御史督學河南與周藩忤逮戍部科交章訟冤獲免去汴之日多士擁道泣送歸隱刻木山莊屢辟不出號松石小隱以終有餘草卒祀鄉賢

文山書院和韻十首之二 有引

次文山仙洲詩未足以盡文山覺十篇爲少不盡文山而猶爲十篇又覺一篇亦多也鍾伯敬有言胸中有八首則無秋與余無所逃譏矣

雞肋浮雲偶寄居爲郎又道買山初韻同春柳新鶯轉情似秋桐夜雨疏月魄冰壺李白酒桃花仙艇武陵魚飄然鴻舉無緡繳拾得盧楊未讀書

披雲新敞翠微居坐對江風邀月初灘石夜流鳴瑟近岸蘅春雨落花疏高飛目送天邊鳥深逝神遊澗底魚假使爲郎籌可展千秋不數九齡書

聞吳木峯 徵芳

起辰沉兵備道勸行

烽火萬里嘆時艱破格掄才鎮楚關此去五溪瞻北斗行  
辭九畹出東山辰龍天險西南扼虎旅王師旦夕還自是  
吳璘英略著好憑忠信服諸蠻

楊閣部鴻一首

鴻字子漸號餘不一號水心武陵人天啟壬戌進  
士授淳安知縣調寶婺以內艱歸唐文貞紹堯爲  
魏璫誣陷無敢引手公倡里人捐金代贖觸璫怒  
起服于順天教授崇禎初晉兵部郎以監試武關  
牽累削籍久之起南漕督操運累晉惠州海防副  
使兼領鹽運使以病免歸桂王時起嶺西兵備道  
擢大理少卿歷禮部尙書加太子太保東閣大學

士募兵於烏羅土司至麻陽縣之巖口洞爲所執  
不屈遂見殺於佛神山東土人感其忠具禮殮葬  
之公詩僅存德山七絕一首頗不入格然忠義之  
言不可沒也

登孤峯絕頂

記得峨眉頂上遊放懷高並枉山頭行雲莫遣尋蹤跡水  
月爲家妙泛浮

唐文貞紹堯十首

紹堯字二華武陵人天啟壬戌進士授高陽知縣  
歷官兵部武選司河南開封知府汝南道副使山  
東鹽運司改廣西平樂知府遷陝西道副使浙西

道右參政廣西布政使貴州巡撫戶部右侍郎卒  
諡文貞祀鄉賢有愚園詩集公初令高陽爲逆璫  
魏忠賢湯沐邑生祠甚麗日奏樂上食公下車首  
禁之又籍大璫冉世魁家充軍資忠賢積怒逮先  
生於獄公自獄中上疏劾忠賢三大罪一曰蔽主  
聰二曰悞國事三曰僂羣賢時天啟六年也忠賢  
益怒必欲置之死誣罪坐贓三萬兩朝夕箠楚無  
完膚莊烈帝立出先生獄中擢兵部郎累官至戶  
部侍郎以足疾告歸臨卒飭諸子破家勤王手書  
忠孝二字以示遂卒詩意境沈著近體尤爽朗可  
誦

望嶽

石九作崇阻登嶽嶽靈責我償夙諾摧謫惟餘山水心一  
肩書史類行腳名山入望空娉婷落落穆穆欽儀型透蛇  
拔地幾千丈一氣鹵莽橫青冥峯峯鱗次如拱揖紫蓋巍  
然獨挺立滿路踏碎松花沈何況深入羣靈集鐘聲夜半  
何清揚霜滿頭顱雪滿囊恍忽嶽靈要我住願踏星斗凌  
洪荒

山夜聽溪響有感

汨汨夜半山泉聲幽人靜聽偏傷情念爾干戈滿地生萬  
家欲斷吹煙青九廟何人來薦馨內庭白晝妖狐行舉世  
醉夢喚不醒是非角逐徒紛爭東西南北無堅城願茲願



厦誰能撐忽聞風鶴羣相驚走死如鶩旋遭烹不知古來  
遁跡非逃名俗儒妄嗤爲枯清一朝鼠首乖權經豪華寂  
寞均無成何如敝屣公與卿孤忠一力扶天棖春秋斧鉞  
森典型雪字終難晦日星等死莫擬鴻毛輕悠悠頭白前  
無程蓋棺論定從公評偶因感觸聊一鳴心隨流水騰滄  
溟

赴粵任留別諸友

曉停羽蓋憩林泉又聽驪歌做別筵自笑行藏同梗泛卻  
因孤直荷天憐宦途歷落甘遲步驛路風霜苦息肩聞道  
粵西山水好乘閑覽勝亦奇緣

平隘

原注時爲汝南道副使

奇兵赤幟幔山遮一夜西風捲暮船三窟已難潛狡兔五  
花今看走神駒心傷失計無農圃痛定還思有室家露布  
草成歸馬疾年年白眼看桑麻

瞻楊大洪遺像

棱棱正氣自天成抗疏何曾轉念萌廿四條陳褫逆魄入  
千里路識忠名憐予詔獄相先後羨爾捐軀異死生痛定  
還思痛何極笑他狐鼠枉縱橫

感懷

春晴寂寂掩雙扉小草離山心事違折股已三甯待再不  
堪負七合宜歸禽魚花草渾無興風日煙雲亦少輝春夢  
謾勞相誚讓漸因禪悅得皈依

擬山居

誅茅結宇倚巖空  
起坐時時雲鳥繁  
花影乍侵疑宿月  
蘿煙不散欲屯風  
止應栩栩長迷蝶  
何事冥冥尙弋鴻  
浪跡乾坤吾漸老  
幾時方擬問喬松

漫成

一庭槐影弄新晴  
午夢初醒景色清  
拈韻且完今日課  
銜杯莫話故園情  
自知宦拙宜安步  
官爲塵深苦費營  
好友相依能永日  
坐看斗柄半天橫

抵家

夢魂今日始知安  
冉冉西風淚未乾  
但使四方清虎鬬  
何妨一老狎漁竿  
全生未暇營茆屋  
扶病先須理藥欄  
滿路

饑荒猶枉眼諸兒且莫勸加餐

春雨和訪兒韻

山中何事太匆忙  
濬蕩春風永晝長  
種秫田成訪陶白  
憫農詩好說儲王  
百壺樂社誰邀杜  
六事祈霖但說湯  
可惜千畦茂蕪草  
至今萬室缺壺漿  
風霾竟夕迷空谷  
萁芋飛光失太陽  
閉戶祗緣淫潦苦  
披襟那識惠風良  
已知萬里無人跡  
行見千山乏鳥翔  
恤緯未能愧嫠婦  
全身無計類驚鷗  
攘夷百代推齊管  
扶漢於今誰趙張  
清濁混流淆黑白  
是非爭鬪雜乎黃  
採薇是處皆周土  
避亂何時到楚鄉  
輕薄桃花同泛濫  
顛狂柳絮任低昂  
巖棲久已逃空寂  
夜夢還應縛鎖韁  
縱酒不妨頻荷鍤  
醫癡何處得奇方  
塞翁

得失憑欣戚  
莊叟彭殤意  
渺茫  
片片花飛催送老  
時時爛醉倒匡牀

文太僕士昂一首

士昂字台仙  
攸人  
天啟壬戌進士  
授華陽縣知縣  
擢工科給事中  
出爲威茂道  
升雲南布政使  
晉太僕卿  
太僕負經濟才  
初知華陽  
教民築陂作筒車  
大興水利  
遷工科  
時河陝大饑  
疏飭撫臣發振無  
拘常例  
時邊警屢告力陳  
中官監軍之弊  
不見用  
崇禎時假歸  
臨藍冠起請建磚城  
張李之亂佯狂山谷中以終

吉藩夜宴

筵前樂奏動流霞殿上珠明映絳紗天子周京分寶玉親  
王南國宴皇華龍珍香起麝鬪美琥珀光生鵲尾斜感激  
帝臣無寸報願將樂善奏長沙

石副使萬程

四首

萬程字仲升號軫餘湘潭人天啟壬戌進士授戶  
部廣東司主事轉本部雲南司員外郎再轉江西  
司郎中出知徽州府以忤魏瑞棄官  
孫良貴麓門文績書陳謫  
公長寶副憲石五峯傳後末云湘潭巡鹽石萬程  
以不附毛一鷺建庵祠被髮入黃山此忤魏瑞之  
由崇禎改元起知常州府復以病免旋起杭州府  
擢溫處副使著有藕花居集禪談古初刻等書副  
使清介廉潔口不言錢守檄時以主事呂下問治

徽人吳養春獄株連數百家不能堪遂棄去遽被  
削奪起常州有額稅三千金故沒於守吏以例告  
叱之曰謂之稅不貢於朝卽還百姓何例爲再起  
杭州按治巨憝吳中彥杭人爲作安民錄卻金頌  
海盜張宏銘服其清望率萬衆涕泣投誠其介節  
服人如此詩不多見

丁丑季春赴杭州守任江行有感

數載南山曲仍驅世網閒舟行何擾擾岸草自閑閑費盡  
嘯鵠血難移俗客顏嚴灘今欲上高節不須攀

過嚴子陵釣臺偶賦

既有劉文叔何須嚴子陵神龍不並見威鳳自孤騰天下

事已定客星誰與應羊裘闕無幅肯落漢家繒  
清節高千古如公亦偶然遐情橫海表微緒托巖顛當日  
不平事故人先著鞭補天無兩手收拾付魚筌

辛未長安乞歸賦得歸字

匆匆擾擾欲何依海岸風煙入望微驚馬骨高猶策駕杜  
鵲聲老未知歸椎妝少與時流合鈍漢偏於秃筆違一啄  
一飛何大小投簪仍乞釣魚磯

余副使鵬翔六首

鵬翔字誕北辰溪人天啟乙丑進士除金谿知縣  
調遂谿入爲戶部主事歷員外郎以布政參議守  
徽寧道遷浙江按察副使調山東副使性介特有



治才初官金谿出不意捕獲許灣巨盜人驚爲神  
甲申後崎嶇滇黔間以悲憤死詩不多見明詩綜  
有聞戢山被放詩一首屈翁山所云詩不見好然  
不類楚人流派者也今從其後裔探得近體五首  
沈鬱似杜惜不令竹垞輩見之

聞劉念臺先生被放

皇威方震號忠愛此詩心抗疏回天苦憂時去國深雲從  
歸路暗日爲逐臣陰慘澹春明水秋蟬寂未吟

悲秋有作遙寄辰陽故人五首

天末金飈厲蕭疏衆木同客心關曉露歸夢伴宵蟲  
葵菽烹田父子黃似女工幽風思往古餘喘悵飄蓬

幽棲甘茹蒨通世味先幾貧慣琴書典寒憐風日晞但教  
愁似織誰與賦無衣渺渺蒹葭思予懷憶往徽  
疏星沈楚塞明月照燕關魚雁多時斷荆榛計日刪天河  
晨洗甲營柳夜凋顏壯士長歌返秋風淅瀝閒  
承平思將帥慷慨誓戈矛每值鷹初擊常懷壘在郊西風  
寒塞草南服困軍餉回首增怛何堪虎夜號  
衰柳六橋斜風搖雜亂沙遷官仍似客垂老慣無家往事  
飄殘葉新愁寄遠槎一亭聊徙倚看徧晚秋花

周尙書堪賡三首

堪賡字仲聲字元應寧鄉人天啟乙丑進士授永  
春知縣行取陝西道御史歷太僕丞光祿少卿順

天府尹擢工部右侍郎晉戶部尙書公生而岐嶷  
倜儻多大略初官永春治行爲入閩冠歷臺諫直  
聲震中外尹順天時流賊方熾特擢公以工部右  
侍郎兼副都御史往塞賊所決河勞瘁萬狀卒奠  
狂瀾還故道是時闖賊已據荆北河南將由滎澤  
渡河長驅以公在汴乃從上游偷渡窺潼關公聞  
變嘔血數升急陳六大弊疏及扼宣雲關隘指陳  
時病語甚激烈不報尙書命下連疏乞骸骨過留  
都謁孝陵痛哭歸里未一月而京師陷矣南都立  
仍起爲戶部尙書公乃先致密函請史閣部奏誅  
馬阮行次吳城得報知不可乃返變姓名轉側嶺

表閩海開既歸結庵邑西四十里之董家村焚香  
禮佛鄉人罕識其面 國初經略洪公徇滇黔道  
出瀕西命驛卒前道直造其廬請見公辭以病不  
獲既見相對而泣爲言地方疾苦甚悉洪感之疏  
免湖以南荒糧百十餘萬卒年六十三著有治河  
奏疏黃河紀五峯文集公治河諸疏其元孫碩勲  
守潮州時刻行之年月事跡條繫甚悉明史未爲  
立傳僅見河渠志爲識其概於此詩不多見今從  
家譜中輯桴數首

四庫全書存目提要云集中有崇禎十六年十二月升南京

戶部尙書乞賜骸骨疏三藩紀事本末亦載福王  
時起用戶部尙書周堪廣以疾不赴則堪廣雖末  
南京在事實以尙書歸里也明史河渠志載崇禎  
十五年流賊決河灌城民盡溺死總河侍郎黃希

憲以身居濟寧不能攝汴請特設重臣督理命工部侍郎周堪廣督修汴河此治河奏疏蓋卽是時所上然史載十六年六月堪廣言河之大勢盡歸於東運道已通陵園無恙疏甫上決口再潰帝趣鳩工未奏績而明亡云云而集中有十六年十二月汴工築塞已完歲修防守宜預一疏與史不符未詳何故也

### 哭鉉兒

亂離家世兩悲歌垂老憂來可奈何骨肉幾人尋弟妹湖湘滿地尙干戈愁予兩鬢蕭疏白悼爾諸孤幼穉多今日返將兒骨送更憐衰鬱已成疴

### 絕命詞示諸孫

六十三齡非夭壽但憐子喪又孤孫田園荒廢家蕭索清白於今有定論

君恩臣罪倍傷神坐閱滄桑老此身幸視故園無一物九  
泉聊以謝先人

楊總制鶚一首

鶚字子玉武陵人少與兄鴻齊名崇禎辛未進士  
授御史累官順天巡撫京師陷南歸福王以爲兵  
部右侍郎總督川湖等處軍務駐劄本籍公有治  
才早歲嘗佐從兄少傅公三邊總督幕至是辦理  
屯田練習軍政鄉里倚之爲重與兄鴻同募兵烏  
羅爲土司所執皆不屈死是夕佛神山寺僧感異  
夢語土人殮葬如禮改寺名爲雙烈夫人鄭氏將  
家女也性嚴毅獻賊犯常夫人率二妾樊氏陳氏

暨三子嗣遠嗣時嗣炯督宗人守城城陷被執賊脅之使跪夫人曰我朝廷命婦豈屈賊耶語二妾曰汝等不死何以見而主於地下二妾聞主母命立仗劍死夫人與三子罵不絕口全家皆遇害妾一子嗣裕逸出得存祀公伯兄鷺字子容崇禎時歲貢歷官中書舍人鴻臚寺少卿亦殉城死甚烈楊氏一門忠義何文毅公請旌疏所云獻賊破常故閣部楊嗣昌之家禍最慘而忠愈烈是也子容詩不見僅存子玉七絕一首亟錄之予玉一號無山

乾明寺卽事

花龕龍象兩相酬偈語蓮花五十秋珠出摩尼塵垢遠金

剛影射虎高頭

吳浦江應台 一首

應台字伯能湘陰人崇禎甲戌進士官浦江知縣  
有政聲浦人尸祝之歿祀鄉賢

弔蔡忠烈公

翠柏森森映碧渠孤臣遺祀古城墟  
哭將賈傅同遺策揖就靈均共卜居  
香骨縱埋卑溼地丹心長照汗青書  
男兒幾箇真忠死一笑風前竟自如

闕南安士琦 十首

士琦字褐公桃源人崇禎甲戌進士官南安知縣  
數月丁內艱歸遂絕仕進有螭蜺館文蝌蚪詩餘



仙草闕山草郎當草等集褐公在當時有盛名南  
渡後題授編修不出卒

留仙裙

浮空水榭搖玻璃彩橋百丈河漢齊流波隨風自靡靡黃  
頭不動牙檣徙橫天水戲來無聲趙家肌骨何輕盈疾風  
拂天天拂水天子呼后妹呼姊姊欲仙去可奈何歌喉纔  
歇淚滂沱牽裾不欲成仙去弱羅六幅翻飛遽漢家三十  
六宮春輕軀私試步香塵顧影回身作清妙無鹽欲怒昭  
儀笑肉顰愁愁三百斤夜來亦製留仙裾

大蠟洞

靈運開山徧朋遊攜更招摩肩求怪石張膽渡幽橋萬戶

蜂房密千形鬼斧勞治平須異術金簡莫相韜

狂山

一里十回渡薨飛碧落煙鐘流無蓄韻溪激有勞泉僧出  
雲中後人歸鳥道先捫參兼歷井吾已在高天

答勿岐僧見示遊秦人洞之作因次其韻

萬壑垂流界暝陰偶同眠石得清音人閒遊戲成天地花  
外尋常換古今鶴本無家猶畏路杉如聞道也空心閑中  
聊一舉相似與爾同參第一箴

自注桃川  
有空心杉

訪楊文弱戶部

探梅了了山中業棹雪猶期剡曲還後世子雲同笑傲半  
生仲長共溪山美人遲暮吾何憾王事經營子獨艱康濟

早嫺書早富羨君能吏又能閑

望萬陽山寺

碧嶂青天樹杪紛時迴孤影亂蒼文旁峯不復爭寒翠積  
雪初疑是白雲仙響半天風雨接懸流到處水泉分高真  
語笑宜清麗似共松風下界聞

鐘鼓洞

自注洞見城市

百丈潭連石壁懸遊人攀陟此摩肩洞寒未閉千年室山  
裂俄開一線天煙落煙升城市事聲生聲滅鼓鐘緣此中  
石髓應無算疑待嵇康山樹顛

題畫

溪橋無處無終是無人渡怪他煙翠深不似長安路

桃花溪

無花猶自有桑麻  
籬落依然住數家  
但使柴門無吏到  
也應勝卻種桃花

穿石

平沙細帖草煙柔  
飛嶂嵌空忽斷流  
身在溪南望溪北  
人家似隔一窗幽

謝海鹽錫賢一首

錫賢字德光號愚齋  
新寧人崇禎丁丑進士官海鹽知縣  
有善政著有杭遊集  
愚齋舉鄉試之年爲天啟甲子  
嘗以策語忤瑞停科亦可想其風概矣

登金城山

麋鹿相依絕世緣何須支遁買山錢  
芒屨蹋破鴻濛色石室扃開草昧天  
怪雨飄空幾失我祕書厯劫尙呼仙  
凭高漫發孫登嘯了了蠻煙斷復連

廖給事國遴一首

國遴字孟符長沙人崇禎丁丑進士授揚州推官  
調保定擢戶科給事中熊魚山給諫以建言下錦  
衣衛衆方疑疏出孟符手一日帝大怒密旨下衛  
帥駱養性潛斃之獄養性懼不敢奉詔私以語孟  
符孟符以語同官曹良直幾蹈不測又嘗薦起劉  
念臺先生蔡忠烈公有揚州別廖孟符詩蓋亦黨  
人之有聲者著述未見有送魚山出獄詩頗不入

格爲刪存之

送熊魚山給諫出獄

問天天去難問矣翻然痛哭辭山水手挈亂絲金飽理袖  
入春風吹殿庀天子三傳促席前鏗鏘敷奏披精髓上顏  
嘉悅宰相怒忍使芳蘅盡衰燬金吾鞭畢復廷賜通國同  
憂先生死誰知雷霆出聖恩敕諭幽明存國是是時蒙亦  
憂得罪茫茫衆霧逐風旨虛空縣勒黨人碑割裂山河陳  
壁壘哀哉昔時當道狼白骨餘羶叢蚍蜉賢姦一日分干  
古鬚眉男子當何似鞭策長風御河漢駕馭飛龍驂駉駉  
護惜不經天與人吾皇好生鬼神恥大春草木應飯徧恭  
惟晝日清狐豕長安官人不慣愁妄歎惟予二三子貫城

日月分光少憂喜隔門成彼此安能攜取洗冤泉一洒四  
天公茲水

劉檢討瑄二首

瑄字他山澧州人崇禎庚辰進士授檢討時四郊  
多壘門戶成風廷對慨然及之以內艱歸服闋流  
賊陷州倉皇奉父避慈利甲申之變嚙指血作書  
與弟托以終養老父欲自盡家人羅守之父泣喻  
乃止父歿入衡山爲僧每朔望北向長號有憇園  
集掌園存稿其哭先帝及和瞿司馬詩爲時所稱  
然語多棘塞不入格今止錄仙眠洲太清山二首

仙眠洲

舊聞仙人會此眠乘雲來去無紀年一榻蕭蕭自今古風  
濤雪浪酣長川孤舟結壘絕市塢白雲布滿兜羅天仙人  
戀此不能去笑指雪鷺分一拳邇來世俗皆賤老坐使黑  
髮成華顛朝來笳鼓更無度鶴裝過此難安便夜闌青嶂  
纖月起惟有鷗夢甘漁煙

登太清山

五老峯高可避兵風煙路熟且重行頑雲不斷故人夢怪  
鳥能添前日聲彈指樓臺紫紫翠驚心日月失陰晴全家  
直上渾忘返便擬租牛買地畊

羅行人其鼎

六首

其鼎字耳臣桃源人崇禎庚辰進士官行人有月



江仙掌草等集耳臣性篤孝母喪值鄉試不預舍  
斂終身不食甘衣帛初試舉人時不爲學使者所  
錄唐餉部暉杜方伯詩聞其名薦之入闈號舍滿  
行人伏地終卷遂中式唐杜二公爲序其事鼎革  
後隱居不出居鄉值歲荒募粟施粥全活甚衆卒  
門人私謚貞易先生祀鄉賢

印雪浪過訪云郡務繁甚金焦當前未獲遊覽賦以  
嘲之

咫尺金焦望不到忍將七尺作勞薪匪云勝具吾何有豈  
是名山生未辰琴鶴也憐清白吏水雲應笑簿書身空餘  
一副惘惘淚博得謳歌滿潤濱

登焦山次陳交甫韻

三詔爭傳處士蹤，偶來勝地若躬逢。  
古人自取情懷便，世眼何嫌禮法慵。  
水靜還隨風百折，雲行不隔嶺千重。  
登臨極目寒暉遠，聽送黃昏閣裏鐘。

暮眺歸鶴峯聞警

洞壑陰森磴道斜，茂林深處貯丹霞。  
雲將別去猶依岫，鶴欲歸來未有家。  
塵想都從禪剎斷，客心聊對此君遐。  
夜分草木頻聞警，漁火濤聲隱暮笳。

避兵

此中劣可著疏狂，疊嶂都圍大佛場。  
時有漁舟同鼓枻，偶於禪院一拈香。  
月明溪渡煙波靜，雲暗山城羽檄忙。  
危急

那能忘共濟衝流逆水幾風檣

歷落空中柳絮狂酸心忠骨枕疆場爲關報國肝腸裂非  
愛傳人姓字香一死可憐臣力竭九原猶憶羽書忙此懷  
悲憤如何極載盡江流上下檣

邊煙未靖寇氛狂燐火淒其古戰場夜月影隨孤鶴冷春  
風夢遶故園香真卿忍負專城寄士雅徒勞擊楫忙料得  
廓清期未遠風濤險處有回檣

潘太常應斗 十七首

應斗字章辰武岡人崇禎癸未進士國變後倉皇  
南奔瀕死燕齊展轉途乞達南京上書陳時政言  
甚激切爲阮大鍼等所扼以資授廣東萬州知州

會金陵福建相繼陷沒桂王稱號肇慶授御史改  
吏部郎中尋加太常寺卿時劉承允擅權亂政劫  
遷桂王於武岡先生度力不能支乃棄官去性剛  
介簡澹好讀書與弟應星友愛最篤歸田後誅茅  
威溪之麓日相倡和饗殯不給晏如也著有白石  
山史評補允孚堂詩文集案崇禎癸未一榜結明  
代之局入本朝仕至大學士者六人尙書侍郎  
二十餘人先生屢被徵命堅臥不起名節凜然不  
愧古人其論撰著述宜有鬼神護持而姓名文字  
若沒若滅嘉慶丁丑顯鶴修武岡志始輯其文行  
作傳問其所謂允孚堂集已無有能言之者矣方

謀之州人請祀鄉賢未果乃作詩弔之末云窮鄉  
昧節義末俗眩朱紫遺文付雲煙片石沒荆杞弔  
古發幽情溪風日夕起誠有慨乎其言之也先生  
詩格高渾含蓄深復惜所存不多其卜築威溪云  
四朝留得馮唐鬢六載曾辭宏景冠邵陽王嗣乾  
稚潛送先生兄弟歸威溪詩云河山漫送羣公淚  
絲竹難陶晚歲情攸縣劉友光杜三寄懷先生詩  
云聞到崖山悲往事得歸王谷便幽棲皆可作小  
傳讀也

資江晚涉

崖深樹易昏暝色生前浦行跡辨平沙空音落輕櫓煙從

鴉路歸月傍漁燈吐誰懷須友心獨行甯踽踽

同保仙院看石

天宇夏初晶人遊亦曠越石林越衍疇片片奇花發聚處  
似聞經疏昂堪具笏鬼斧隙頑明古苔齧寒骨選坐任參  
差穿尋宜出沒如何數武閒雲構幻倏忽酬待夕陽時明  
霞生幾窟

雲根石

夏雲多奇峯雲具山之狀孰知雲有根乃在茲山嶂側立  
半欲傾飛舞勢來向補天媧焰激填河秦鞭喪秋空遊翠  
華月露滴清浪流結此山隈晦藏得無恙自是世外姿塵  
俗焉能相袍笏何足榮應知米顛妄

天池觀

則劣一危峯高霞翼其足雲外起寒雅老樹影茅屋云是  
道人居碑碣猶堪讀其下有甘泉可以滌塵俗徘徊幾朝  
昏枕漱遂吾欲甯止茗戰佳清流未可瀆於此煉清虛心  
齋日三浴凡情一以消仙骨瑩寒玉醉夢盡嶺嶺此意將  
誰告

答踞奇弟山中見貽

亦曾習山靜習與山不違今也靜能否山是習偏非以子  
適所如曰予未可幾偕記幽棲日清光起四圍層霄古木  
接絕壑亂泉飛徧探峯寂立閒看雲未歸奇人心眼同領  
略良已微莊以誦來詩時見山光輝

雲山絕頂有竹簷簷拂地土人名曰埽壇竹云是盧  
侯遺跡俗稱雲山十景之一也感而有賦

菁蔥一嶂逼天開上有秦人舊日臺臺邊積翠森如簇云  
是當年埽壇竹人去臺荒餘冷煙依然風過低新綠咸陽  
一舉六王平鋒鏑消殘天下兵經儒阮盡長城起自謂澄  
清今日始廟堂無度四海搖識者桃園學種桃亦有商山  
茹芝者不將簪笏易蓬蒿仕途方蹙林臯樂何幸詔書求  
大藥一自偕來入楚山煙霞漸癖功名薄早知鹿馬倉皇  
擾愁見烽煙生軼道莫遣紛紛到此閒空山植竹倩雲埽

### 曉望雲山

迤邐分鶉尾蒼茫接翼躔一州當翠展八面削青蓮丹室



應留火泉源每破煙只疑蒸蔚處常作曉霞天

武陵井

遊冶明時盛春容處處華一從成井里無復辨煙霞冠蓋  
晴隄馬樓臺兩岸花當年三五片已足誤漁家

晴嵐渡

初旭明將發宿雲流漸輕放山浮黛山翦水學虹行野店  
青帘接荒祠銀榜橫清光開四面別有素封城

登威溪山因而卜築四首

移山無力買山難且與山靈乞賸殘曲宕聲光穿一水各  
呈頭面布諸巒四朝留得馮唐鬢六載曾辭宏景冠輸我  
此中成老逸瞻言笑問碩人寬

無復飄風入曲阿。卻耽地僻少經過。雲生洞口常吞徑。雀到門邊不忌羅。只爲疏畦頻抱甕。每尋漁艇一披蓑。閒緣好惜天相假。今日青山自背磨。

行野連年歎蔽樗。此身到處卽吾廬。由來蕭艾無分畛。豈有煙霞待券書。曼倩文成垂子誠。邵平瓜在戴經鋤。神龍潛見因時耳。詹尹何能待卜居。

此地誰云非我有。幸於邱壑性同深。幻緣摩詰詩中畫。啞謎孫登嘯裏音。夏木交交禽嘯蔭。秋泉汨汨石成吟。兵戈滿路相知少。幾幸於茲澹寂心。

重經嶽麓

一葦湘江我再來。遙峯峻絕倚雲開。春閒鳥語縣青嶂。晝

冷蟲書滿綠苔絕學此中洙泗地名臣何處道鄉臺流瘞  
幾度斜陽下漫與同人歎劫灰

雲山雜咏

兩華峯

飛光哀翠碧雲閑并峙山頭領衆山似爲秦時天紀亂別  
開日月引人閒

杏塢

避世甯爲避物華亦須斟酌惜煙霞桃花易賺漁舟入故  
向雲中種杏花

洞門

髣髴溪邊與月邊得從形解憶當年瀟山泛海勞求訪荒

影誰知在倅仝

附錄章辰先生武岡州進士題名記略應斗初以二甲序應外任復以館選補內員部覆未下已罷國變瀕死於燕齊塗乞於淮泗及至金陵扼腕於時相遠任瓊海之萬州者一十六月旋應簡命司封者六月司錄者六月鎮帥跋扈天步艱難倉皇乞歸而屢經劫禍今身為耕夫念絕世事矣

唐督師誠二首

誠字存之號缺庵武陵人崇禎癸未進士授中書舍人歷詹事府少詹事國變後與兄誼奉其父文貞公遺命破家勤王助瞿忠宣守桂林進文淵閣大學士督五省義師與何文烈相犄角 大兵逼湘潭公得報從桂林倍道援之不克奔端州再圖恢復已 大兵破辰龍關公兄誼被執不屈死

大兵殍其母入粵脅之公號泣數日曰趙苞何人  
忍使母戕遂上印綬自囚贖母 大兵禮之公固  
請死不屈繫粵西已釋歸或薦之入 本朝公作  
詩謝云無如世相韓此義不忍絕遂隱素人山以  
終按前明癸未進士吾楚三人公與武岡潘先生  
應斗皆屢徵不起劉杜三寄潘吏部詩所云蠶甜  
舉國隨花去蟲苦終身抱蓼迷者也近鄞縣全謝  
山祖望鮎埼亭外集跋崇禎十七年進士錄中凡  
八十餘人以爲皆固守殘山賸水之節以終其身  
者而獨不及公與潘先生可嘆也公詩不多僅存  
近體二首讀聞鷓鴣詩可以哀其志矣

德山贈禹嵩和尚

數載看山約扁舟到偶然雪融膠葉雨雲澹養花天林始  
經春氣僧方足午眠入山松色暝清磬斷橋邊

杆山聞鷓鴣

偶然入耳便難堪卻把空名鄭谷擔有意飛南偏不北無  
心叫苦勝於甘征夫淚斷三湘雨遊子魂銷五嶺嵐日暮  
聲聲行不得執爰伯也亦空談

沅湘耆舊集卷第二十三終